

**Есимғалиева Тлекши Махсотовнаның 6D010300 – Педагогика және психология мамандығы бойынша «Болашақ педагог-психологтардың кәсіби құзыреттілігін көптілді білім беру жағдайында қалыптастыру» тақырыбында орындалған докторлық диссертация жұмысына**

**ҒЫЛЫМИ КЕҢЕСШІНІҢ ПІКІРІ**

Докторант Есимғалиева Тлекши Махсотовнаның ұсынған «Болашақ педагог-психологтардың кәсіби құзыреттілігін көптілді білім беру жағдайында қалыптастыру» атты диссертациялық жұмысы қазіргі заманғы өзекті мәселелердің бірі.

Қоғамның заманауи талабына сай орындалған докторанттың докторлық диссертациясының өзектілігі бірқатар мәселелерді шешуге атап айтсақ, болашақ педагог-психологтардың көптілді меңгеруіне, жаңартылған білім беру мазмұны және заманауи мектептің көптілді аясында қызмет ете алуы, оқушылардың ағылшын тілінде білім алуы негізінде педагогикалық-психологиялық көмек көрсете алуына, ашық білім беру кеңістігіне қосылуына, кәсіби тұрғыда құзыреттіліктерінің қалыптасуына мүмкіндік беруімен ерекшеленеді.

**Т.Есимғалиева төмендегідей ғылыми нәтижелерге қол жеткізді:**

1. Болашақ педагог-психологтардың кәсіби құзыреттілігін қалыптастыру қажеттілігін негіздеу және «көптілділік», «көптілді білім беру», «құзырет», «құзыреттілік», «кәсіби құзыреттілік» ұғымдарының мәнін нақтылады.

2. Көптілді білім беру жағдайында болашақ педагог-психологтардың кәсіби құзыреттілігін қалыптастырудың әдіснамалық тұғырларын айқындады;

3. Мектептегі жаңартылған білім беру мазмұны мен ЖОО-да білім беру бағдарламаларының талдау негізінде олардың өзара байланысын мен сабақтастығын және педагог-психологтың заманауи кәсіби құзыреттілігін нақтылады.

4. Болашақ педагог-психологтардың кәсіби құзыреттіліктерін көптілді білім беру жағдайында қалыптастырудың құрылымдық-мазмұндық моделін ұсынып, тиімділігін практика жүзінде дәлелдеді.

5. «Көптілді білім беру жағдайында болашақ педагог-психологтардың кәсіби құзыреттілігін қалыптастыру негіздері» бағдарламасының мазмұны мен әдістемесін әзірлеп, тиімділігін тәжірибелік-эксперименттік сынақтан өткізді.

Ізденуші зерттеу мәселесіне байланысты ғылыми зерттеулер мен әдебиеттерге, озық тәжірибелерге ғылыми-теориялық тұрғыдан кеңінен талдау жасап қана қоймай, өз көзқарасын жинақтап, жүйелеп көрсете білді.

Докторант зерттеу ұғымдарын жан-жақты талдап, өз анықтамасын берді. Оның ғылыми жаңалықтарының негізінде *көптілді білім беру жағдайында болашақ педагог-психологтардың заманауи кәсіби құзыреттіліктерін қалыптастырудың әдіснамалық тұғырларын жүйелендіріп, түрлерін топтастыруы, педагог-психологтардың қажетті*

кәсіби қызметтері мен заманауи құзыреттіліктері негіздеуі, «көптілді білім беру жағдайында болашақ педагог-психологтардың кәсіби құзыреттілігін қалыптастыру негіздері» тақырыбында дайындалған үш бағытты (**тілдік, танымдық, психологиялық**) бағдарламасының жасалынуы және ұсынылған заманауи құзыреттіліктердің тиімділігі CLIL технологиясын қолдану арқылы жүргізуі болып табылады.

Тлекши Махсотовнаның болашақ педагог-психологтардың кәсіби құзыреттілігін қалыптастыруда тілдік, танымдық, психологиялық бағыттарды жүзеге асырды. Онда «English Club» жоспарымен жұмыстар жүргізіп, психологиялық тренингтер мектепте, жоғары оқу орындарында, педагогикалық колледждерде қолдану арқылы педагог-психологтарды дайындау сапасын арттыруға ықпал етті.

Докторант аталған модель мен өзі анықтаған психологиялық-педагогикалық шарттарын эксперименттік-тәжірибе жүзінде тексеріп, тиімділігін дәлелдеген. Экспериментте қолданған әдістемелері қазіргі білім беру жүйесінің талабына сай жүргізілгені тиімді болды.


Зерттеу барысында барлығы 15 ғылыми мақала жарық жариялады. Соның ішінде 5 Комитет басылымдарында, 1 Абылай хан атындағы Қазақ халықаралық қатынастар және әлем тілдері Хабаршысы, 2 шетелдік халықаралық ғылыми-практикалық конференцияда, 4 ғылыми-практикалық конференция материалдарында, 3 Scopus базасына енетін журналдарда зерттеу жұмысы бойынша мақалалары жарияланды.

Т.М.Есимғалиеваның жүргізген зерттеуі ізденушінің ғылыми зерттеулерді жүргізуге жеткілікті түрдегі жоғары деңгейдегі дайындығын, педагогика және психология саласы және пәндік облыс бойынша терең білімінің бар екендігін көрсетеді.

Орындалған диссертациялық жұмыс «6D010300 – Педагогика және психология» мамандығы бойынша PhD докторы дәрежесін алуға арналған диссертациялық жұмыстың талаптарына сай келеді. Қорғауға ұсынылған диссертациялық жұмысқа баға бере отырып, докторант Есимғалиева Тлекши Махсотовнаның ғылыми дайындық деңгейін 6D010300 – «Педагогика және психология» мамандығы бойынша PhD докторы дәрежесіне лайықты деп санаймын.

**Ғылыми кеңесші:**

Абай атындағы ҚазҰПУ  
«Педагогика және психология»  
білім беру бағдарламасының  
жетекшісі, п.ғ.д., профессор



Көшербаева А.Н.